

Čielgagielat brošyra EUOPARLAMEANTAVÁLGGAT 2019

Ovdajienasteapmi 15.–21.5.2019

Válgabeaivi sotnabeaivvi 26.5.2019

Jienasteapmi lea álki!

Europarlameantaválggat 2019

Eurohpa parlameanta ásaha lágaid,
mat váikkuhit min beaivválaš eallimii.
Parlameanta maiddá mearrida EU:a bušeahttaárvalusas.

EU-riikkaid riikkavuložat välljejit
Eurohpa parlameantta lahtuid válggain juohke viđat jagi.
Válggaid ordnejit juohke EU:a lahttoriikkas seammá áigge.

Suomas válgabeaivi lea sotnabeaivi 26.5.
Ovdajienasteapmi lea 15.–21.5.

Suomas välljet Eurohpa parlamentii 13 lahtu.
Evttohasaid sáhttet ásahtit bellodagat ja välljenovttastusat.
Buot evttohasat leat olles riikkas jienastanláhkái.

Geas oaččut veahki?

**Válgavirgeolbmot rávvejit du jienastanbáikkis
ovddalgihtii jienasteamis ja válgabeaivve.**

Jienastanbáikkis lea maiddá válgaveahkkebargi.
Don sáhtát dáhtut su mielde jienastančihkii,
jus it ieš sáhte deavdit jienastanlihpu.

Válgaveahkkin sáhtta doaibmat maid olmmoš,
gean leat ieš välljen, ovdamearkka dihte fuolki dahje lagaš olmmoš.
Válgaveahkki ii goittotge oaččo leat evttohas
dahje evttohasa lagaš olmmoš.
Válgaveahkki ii oaččo mitalit geasage, gean don jienastit.

Válgasuollemasvuohta

Juohkehaš mearrida ieš, háliidago jienastit, ja gean jienasta.

Válgasuollemasvuohta mearkkaša dan,
ahte don it dárbbáš mitalit geasage,
gean don jienastat.

Gii oažžu jienastit?

Don oaččut jienastit Suoma europarlameantaválggain,

- jus don leat Suoma riikkavuloš
- jus don leat muhtin eará EU-riikka riikkavuloš ja leat almmuhan iežat mielde jietnavuoigatvuodaregistarii Suomas mañimustá 7.3.2019.

Don oaččut jienastit válggain jogo ovddalgihtii dahje válgabeaivve,
jus don deavddát 18 jagi mañimustá válgabeaivve 26.5.2019.
Don sáhtát jienastit dušše ovttá EU-riikka europarlameantaválggain.

Almmuhus jietnavuoigatvuodas boahtá dutnje ruktui

Jus dus lea vuoigatvuohta jienastit, don oaččot dan birra reivve.
Reivves lea jietnavuoigatvuodaalmmuhus,
mas lea diehtu du válgabeaivvi jienastanbáikkis.
Mielde čuovvu maiddái listu sajiin, gos sáhttá jienastit ovddalgihtii.

Gean don sáhtát jienastit?

Juohke evttohasas lea iežas evttohasnummir.
Don sáhtát jienastit gean beare evttohasa Suoma europarlameantaválggain.

Dieduid evttohasaid birra fidnet ovdamearkka dihte
aviissain, televišuvnnas dahje interneahtas.

Ruovttus jienasteapmi

Jus don leat váddásit lámis dahje guhkit áigge buohcci,
don sáhtát jienastit ovddalgihtii iežat ruovttus.

Don fertet álmuhit iežat ruovttus jienasteapmái
mañimustá 14.5.2019 diibmu 16
iežat gieldda guovddášvålgalávdegoddái.
Lávdegotti telefonnummir lea mielde jietnavuoigatvuodaalmmuhusas.
Don oaččot lávdegottis maiddái lassieduid ruovttus jienasteami birra.

Ná sáhtát jienastit ovddalgihtii

Don sáhtát válljet, jienastatgo válgabeaivve vai ovddalgihtii.
Don sáhtát jienastit ovddalgihtii 15.–21.5.2019
man beare sajis mii lea álmuhuvvon ovddalgihtii jienastanbáikin
**Váldde jienasteapmái mielde identifikašuvnna,
ovdamearkka dihte pássa, persovdnakoartta dahje vuodjinkoartta.**

1 Čájjet identifikašuvnna válgavirgeolbmui.

Virgeolmmoš dárkkista dan ja addá dutnje jienastanlihpu.

2 Mana jienastančihkii.

Čále jienastanlihppui čielgasit dan evttohasa nummira, gean jienastat. Ále čále jienastanlihppui maidige eará.

3 Máhcu jienastanlihpu gasku.

4 Máhca válgavirgeolbmo lusa.

Son steampalastá jienastanlihpu ja addá dutnje ruškes konvoluhta. Bija jienastanlihpu konvoluhttii ja liibme konvoluhta gitta.

5 Válgavirgeolmmoš bivdá, ahte čálát skovi vuollái.

Vuolláičállosiin don dáhkídat, ahte leat ieš deavdán jienastanlihpu, fidnen dasa steampala ja bidjan dan konvoluhttii.

6 Loahpas virgeolmmoš bidjá válgakonvoluhta

ja skovi fiskes mieldduskonvoluhttii.

Ná jienastat válgabeaivve

Válgabeaivve 26.5.2019 jienastanbáikkít leat rábas dii 9–20.

Dárkkis iežat jietnavuoigatvuodaalmmuhusas, gos du jienastanbáiki lea. Don sáhtát jienastit dušše dan jienastanbáikkis, mii lohká du jietnavuoigatvuodaalmmuhusas.

Váldde jienasteapmái mielde identifikašuvnna, ovdamearkka dihte pássa, persovdnakoartta dahje vuodjinkoartta.

1 Čájjet identifikašuvnna válgavirgeolbmui.

Virgeolmmoš dárkkista dan, ohcá du nama válgalogahallamis ja addá dutnje jienastanlihpu.

2 Mana jienastančihkii.

Čále jienastanlihppui čielgasit dan evttohasa nummira, gean jienastat. Ále čále jienastanlihppui maidige eará.

3 Máhcu jienastanlihpu gasku.

4 Máhca válgavirgeolbmo lusa.

Son steampalastá jienastanlihpu.

5 Gahčat iežat lihpu válgagiisái.

Jienas europarlameantaválggain!

Dán brošyras muitalit čielga gillii jienasteami
ja jagi 2019 europarlameantaválggaid birra.

Lassedieđut válggain:

vaalit.fi

eurovaalit.eu

selkokeskus.fi

Don sáhtát jearrat válggain ja jienasteami birra maiddái
riekteministeriija bálvalannummiris 0800 9 4770.